




SAPTA 4

EXSODAS




OL ISRAEL I BIHAINIM MOSES
INAP LONG OL I KAMAP LONG
OL MAUNTEN ARERE RET SI. OL
I WOKIM KEM LONG DISPELA
HAP NA PAINIM ROT LONG
KALAPIM DISPELA BIKPELA WARA.



TAIM FERU I
MEKIM KRAI
PINIS LONG
PIKININI
MAN BILONG
EM, BELHAT
BILONG
EM KAMAP
NOGUT
OLGETA. EM
I NO SAVE
LONG WANEM
AS EM I LARIM
OL DISPELA
SLEV BILONG
EM I GO FRI.

REDIM OL KARIS.
YUMI BAI BIHAINIM OL
HIBRU. YUMI BAI KILIM OL I
DAI O BRINGIM OL I KAM
BEK LONG ISIP.

BIKMAN,
MIPELA BAI I
MEKIM OLSEM
YU BIN TOK.



**LUKIM!
AMI BILONG OL
ISIP I WOK LONG
BIHAINIM YUMI!
YUMI NOGAT PLES
LONG RANAWE!**

**MOSES I BIN BRINGIM
YUMI LONG DISPELA HAP
LONG I DAI. MOABETA
YUMI BIN STAP OLSEM
SLEV LONG ISIP NA
STAP LAIP, LONG YUMI
I KAM NA DAI LONG
DISPELA PLES.**




GOD
I NO INAP
LONG MEKIM
WANPELA
SAMTING LONG
KISIM BEK
YUMI NAU.



OL MAUNTEN
I PASIM YUMI LONG
SAIT SAIT NA WARA
I PASIM ROT BILONG
YUMI LONG GO HET.
YUMI NO GAT PLES
LONG RANAWE.

TAIM OL ISIP I LUKIM OL
HIBRU NA TINGIM OLGETA
BAGARAP MOSES I BIN BRINGIM
ANTAP LONG ISIP, OL I REDI
LONG KILIM OL OLGETA.




YUPELA STAP
ISI. TRUTRU GOD
BAI I KISIM BEK
YUMI WANTAIM
BIKPELA STRONG.

GOD I BIN
STRONGIM BEL BILONG
FERO GEN, TASOL EM I LAS
TAIM NAU. YUPELA I NO INAP
LONG LUKIM DISPELA AMI
BILONG FERO MOA.



TAIM I LUK OLSEM AMI BILONG OL ISIP BAI
I KAM LONG KILIM OL, DISPELA KLAUT WE I
WOK LONG SOIM ROT LONG OL ISRAEL I GO
BAKSAIT LONG OL NA PASIM OL ISIP. LONG
DISPELA NAIT OL HIBRU I GAT LAIT, TASOL
OL ISIP I STAP LONG BIKPELA TUDAK.




MOSES I APIM STIK BILONG
EM LONG SOLWARA NA
WANPELA STRONGPELA WIN
I KAM LONG HAP SANKAMAP,
BRUKIM WARANA, NA I MEKIM
GRAIN I DRAI I KAMAP.



KISIM BEK 14:15-22

TRUTRU DISPELA EM I
WANPELA STRONGPELA
MIRAKEL. OL LAIN
ISRAEL I WOKABAUT
LONG DRAI GRAIN NA
BRUKIM WARANA RET SI.

LONG DISPELA TAIM OL I STAT
LONG SINGIM WANPELA SONG
LONG GOD BILONG OL HUSAT I SAVE
WOKIM ROT NAMEL LONG BIKSI.
OLGETA MANMERI HUSAT I HARIM
DISPELA SONG BAI I SAVE OLSEM
I GAT WANPELA GOD TASOL HUSAT
INAP MEKIM DISPELA SAMTING, NA
NEM BILONG EM I GOD BIKPELA.



DISPELA
I WINIM OL
MIRAKEL YUMI I
BIN LUKIM LONG
ISIP.

MAN, GOD
BILONG YUMI I
WINIM OLGETA
ARAPELA GOD! YUMI
I STAP NAMEL LONG
SOLWARA.



**JOSAIA! AI, NO
KEN PUTIM HAN
BILONG YU INSAIT!
NOGLT YU PUNDAIN
I GO INSAIT. YU
NO SAVE LONG
SWIM.**



MI LAIK HOLIM
OL PIS, YA.

TAIM OL HIBRU I KLOSTU
BRUKIM WARA OLGETA,
GOD I RAUSIM DISPELA
KLAUT WE I PASIM OL
ISIP LONG BIHAINIM
OL. WANTU AMI BILONG
OL ISIP I BIHAINIM
OL ISRAEL I GO DAUN
NAMEL LONG OL WARA.




**HARIAP!
BIHAINIM OL
HIBRU NA
KILIM OL!**

KISIM BEK 14:22-23

A man with a beard, wearing a brown robe, stands on a rocky path with his arms raised. He is holding a staff or spear in his left hand. The path leads into a hazy, mountainous landscape. In the foreground, a crowd of people in traditional Middle Eastern attire is gathered, looking up at the man. Some are pointing towards him, and one man in the center is shouting.


TUDE YUPELA I
BIN LUKIM STRONG
BILONG GOD BIKPELA.

LUKIM, WARA I KAM
BEK. OLGETA ISIP BAI I
DAI LONG WARA!



OLGETA SOLDIA BILONG
OL ISIP I DAI INSAIT LONG
WARA. OL GOD BILONG
OL, WE OL I WOKIM LONG
DIWAI NA STON, I NO
INAP LONG HELPIM OL.

KISIM BEK 14:27-28




LUKIM
OLGETA
BODI. MAN,
SOLWARA
I PULAP
WANTAIM OL
BODI BILONG
OL ISIP.

TRUTRU GOD
BIKPELA EM YET I
STAP WANPELA GOD
TRU TASOL. I NO
GAT ARAPELA HUSAT
INAP MEKIM DISPELA
SAMTING. YUMI BAI I
HOLIM TINGTING LONG
DISPELA DE OLTAIM
OLTAIM.

OL LAIN ISRAEL I LUSIM OL DAIMAN
BILONG ISIP LONG RET SI NA BIHAINIM
MOSES WANTAIM KLAUT I GO LONG
PLES I DRAI. OL I WOK LONG KAIKAI
NA DRING YET LONG OL SAMTING OL
I BIN KARIM WANTAIM OL LONG ISIP.




BIHAIN LONG OL I WOKABAUT
SAMPELA DE, DISPELA KLAUT WE I
GO PAS LONG OL I SANAP KLOSTU
LONG OL SAMPELA HUL WARA. OL
HIBRU I WOKIM KEM LONG DISPELA
PLES NA SINDAUN I STAP INAP
LONG OLGETA KAIKAI BILONG OL I
PINIS. I NO GAT PLES LONG PAINIM
SAMPELA KAIKAI MOA. I LUK OLSEM
OL BAI I DAI LONG DISPELA HAP.




MAN, YUMI NO LAIK I
STAP LONG ISIP TASOL.
TAIM YUMI I STAP SLEV
YUMI I GAT KAIKAI INAP LONG
PULMAPIM BEL BILONG YUMI.
LONG DISPELA PLES I NO
GAT KAIKAI OLGETA.

YES, OLSEM
WANEM,
MOSES? YU BIN
BRINGIM MIPELA
LONG HIA LONG
I DAI LONG
HANGRE, A?




HARIM,
YUPELA I
NO WOK LONG
KOMPLEN LONG
MI, TASOL YUPELA
I WOK LONG KROS
LONG GOD HUSAT
YUMI I WOK LONG
BIHAINIM.

GOD BIKPELA I TOK
OLSEM EM BAI I SALIM
BRET I KAM DAUN LONG
HEVEN. OLGETA MONING
YUPELA BAI I PAINIM LONG
GRAUN. YUPELA I MAS BUNGIM
INAP LONG FAMILI BILONG
YUPELA.



MOSES I TOK
WANEM? BAI YUMI
I KISIM KAIKAI WE?
PIKININI I LAIK DAI
LONG HANGRE,
YA!

MOSES I
TOK OLSEM
GOD BIKPELA BAI
I SALIM.....BRET I
KAM DAUN LONG
HEVEN OLGETA
MONING.



KLOSTU BAI SAN I KAMAP.
TRUTRU YU TING OLSEM BAI
I GAT BRET OLSEM MOSES I
BIN TOK?

SAPOS
MOSES
I GIAMAN,
YUMI BAI I
DAI PINIS
LONG
HANGRE.

YU BIN
HARIM SAMPELA
STORI LONG BRET I
BIN PUNDAUN LONG
HEVEN BIPO, O
NOGAT?


NOGAT. TASOL
MI NO BIN HARIM
LONG WANPELA
I BIN BRUKIM
RET SI BIPO, TU.
TRUTRU DISPELA
GOD BILONG
MOSES I BIN
WOKIM OLGETA
SAMTING BILONG
DISPELA GRAUN.
ATING EM BAI I
NO PAINIM HAT
LONG MEKIM
BRET I PUNDAUN
LONG SKAI.
LUKIM, SAN I KAM
ANTAP PINIS.
KAM, YUMI GO
LUKLUK.

KISIM BEK 14:21-22, 30, 16:2-3, 16:7-8



LUKIM,
BRET I BIN KAM
DAUN LONG
HEVEN OLSEM
MOSES I BIN
TOK.

MAN,
BILONG
WANEM NA
YUMI I NO
SAVE BILIP?



LUKIM! EM
I KARAMAPIM
GRAIN
OLGETA.

MMMM, EM
I SWIT, YA --
OLSEM HANI.

TRUTRU,
GOD BIKPELA EM
I STAP GOD TRU NA
MOSES EM I PROFET
BILONG EM.

TAIM OL LAIN ISRAEL I WOKABAUT
LONG PLES DRAI, GOD I GIVIM
KAIKAI BILONG OL ENSEL LONG OL
ISRAEL LONG KAIKAI. OL I KOLIM
'MANA'. MANA LONG TOK HIBRU
I MINIM, "EM WANEM, YA?"




TAIM KLAUT I STAP ANTAP LONG KEM BILONG
OL, OL HIBRU I STAP YET LONG OL HUL WARA
NA KAIKAI LONG DISPELA BRET LONG HEVEN.
TASOL TAIM KLAUT I STAT LONG MUV, OL I KISIM
OL SAMTING BILONG OL NA BIHAINIM KLAUT.

I NO LONG TAIM NA
OL I SOT LONG WARA.

ORAIT,
EM I BIN
GIVIM BRET
LONG YUMI,
TASOL NAU
YUMI BAI I DAI
LONG WARA.

BEBI
BILONG MI BAI I
DAI SAPOS YUMI
I NO PAINIM
WARA HARIAP.






MOABETA YUMI
I BIN STAP LONG ISIP
TASOL. OL ENIMEL BILONG
YUMI I NO GAT WARANA
TUMORA OL BAI I DAI. BIHAIN
LONG DISPELA OL PIKININI BAI
I STAT LONG I DAI. GUTPELA
SAPOS MIPELA I TROMWE OL
STON LONG YU NA KILIM
YU I DAI.

GOD
I STAP
WANTAIM
YUMI, O
NOGAT?

MI BAI I GO
NA TOKTOK
WANTAIM GOD
BIKPELA.

KISIM BEK 16:14-15, 17:2-
4; SAM 78:24-25



GOD I TOKIM
MOSES LONG
WANEM SAMTING
EM I MAS MEKIM.

KAM NA
LUKIM PAWA
BILONG GOD
BIKPELA. YUPELA
I NO SAVE BILIPIM
EM. YUPELA I
SAVE TOK BAKSAIT
NA KOMPLEN
TASOL.

EM I GIVIM
BRET LONG YUPELA
PINIS, NA NAU EM
BAI I GIVIM YUPELA
WARA LONG
DISPELA STON.





AAAACK!

AAAAIIIIII!

KISIM BEK 17:5-6

WARA I RON
OLSEM WANPELA
BIKWARA.






GEN, KLAUT I STAT LONG MUV
NA OL ISRAEL I BUNGIM OL
SAMTING BILONG OL NA BIHAINIM
KLAUT I GO LONG WANPELA
MAUNTEN OL I KOLIM SAINAI.

LONG DISPELA HAP
MOSES I BETEN, NA GOD
I TOKTOK LONG EM GEN.

**MEKIM OL HOLIM
TINGTING LONG OLGETA
SAMTING MI BIN MEKIM LONG
OL LAIN ISIP NA LONG WANEM
ROT MI BIN HELPIM OL, GIVIM
KAIKAI LONG OL, NA GIVIM
WARA LONG OL ALIT LONG
WANPELA STON.**

A man with a beard and a dark tunic is shown in profile, looking out over a landscape. In the background, there are mountains and a body of water with several small, dark shapes that look like tents or structures. The sky is filled with large, stylized clouds. The overall color palette is dark, with shades of blue, purple, and black.

**TOKIM OL
OLSEM, SAPOS
OL I BIHAINIM
OL TOK BILONG
MI OL BAI I
STAP LAIN
BILONG MI NA
STAP NARAKAIN
LONG OLGETA
ARAPELA LAIN
MANMERI LONG
DISPELA GRAUN,
YES, OL BAI I
STAP WANPELA
KINGDOM
BILONG OL
PRIS.**

**MOSES, TAIM
MI TOKTOK
WANTAIM YU, MI
BAI KAM LONG
WANPELA KLALT WE
I TUDAK OLGETA,
INAP LONG OLGETA
MANMERI I KEN
LUKLUK NA HARIM
NA SAVE OLSEM
EM MI TASOL.**

MOSES I KAM DAUN LONG MAUNTEN
NA I TOKIM OL MANMERI WANEM
SAMTING GOD I BIN TOK.



MIPELA BAI I
BIHAINIM OLGETA
SAMTING GOD I
TOKIM MIPELA
LONG MEKIM.

ORAIT, GO NA WASIM
OL KLOS WANTAIM BODI BILONG
YUPELA, NA REDIM YUPELA YET LONG
LOTU LONG GOD. LONG TRIPELA DE
GOD BAI I KAM LONG TOKTOK
LONG YUPELA.

OLSEM GOD I BIN TOK, LONG
NAMBA TRI DE OLGETA MANMERI I
BUNG LONG AS BILONG MAUNTEN
NA WETIM GOD LONG TOKTOK.
KLAUT BILONG BIKPELA I KAM DAUN
ANTAP LONG MAUNTEN NA OL I
HARIM WANPELA NEK I TOKTOK...



**MOSES, KAM
ANTAP LONG
MAUNTEN.**

A comic book illustration of Moses on Mount Sinai. Moses is shown from the waist up, wearing a blue tunic and a yellow sash, with his arms raised in prayer. He is standing on a rocky ledge. The background is a dramatic, fiery orange and yellow sky with dark, swirling clouds. The scene is framed by a jagged, torn-paper edge.

**MOSES, MI I STAP GOD
BIKPELA HUSAT I BIN BRINGIM
YUPELA I KAM ALT LONG PLES
ISIP. TAIM YU GO DAUN GEN, WOKIM
OL BANIS LONG BANISIM ARERE
BILONG MAUNTEN.**

**SAPOS
WANPELA LONG OL
DISPELA LAIN MANMERI
I PUTIM HAN O LEK LONG
DISPELA MAUNTEN, OL BAI I
DAI WANTU. MI BAI I GIVIM
OL LO BILONG MI LONG
YU NA YU I MAS GIVIM
LONG OL MANMERI.**

KISIM BEK 19:7-25



YU NO KEN BIHAINIM OL
ARAPELA GOD.

YU NO KEN MEKIM PIKSA LONG
WANPELA SAMTING NA LOTU
LONG EN.

YU NO KEN YUSIM NATING NEM
BILONG GOD BIKPELA BILONG
YU.

NAMBA SEVEN DE EM I SABAT
BILONG GOD BIKPELA.

YU NO KEN MEKIM WANPELA
WOK LONG EN.

GIVIM ONA LONG PAPA NA
MAMA BILONG YU.

YU NO KEN KILIM I DAI
NARAPELA YU NO KEN MEKIM
PASIN PAMUK YU NO KEN
STIL YU NO KEN MEKIM
TOK GIAMAN LONG KOTIM
NARAPELA MAN O MERI.

YU NO KEN MANGAL LONG
SAMTING BILONG OL ARAPELA.

YU NO KEN BIHAINIM OL
ARAPELA GOD.

YU NO KEN MEKIM
PIKSA LONG WANPELA
SAMTING NA LOTU
LONG EN.

YU NO KEN YUSIM
NATING NEM BILONG
GOD BIKPELA BILONG
YU.

NAMBA SEVEN DE EM
I SABAT BILONG GOD
BIKPELA.


YU NO KEN MEKIM
WANPELA WOK LONG
EN.



GIVIM ONA LONG PAPA NA
MAMA BILONG YU.

YU NO KEN KILIM I DAI
NARAPELA YU NO KEN
MEKIM PASIN PAMUK YU
NO KEN STIL YU NO KEN
MEKIM TOK GIAMAN LONG
KOTIM NARAPELA MAN O
MERI.

YU NO KEN MANGAL LONG
SAMTING BILONG OL
ARAPELA.



TAIM MOSES I KAM DAUN
LONG MAUNTEN, EM I
BUNGIM 70-PELA HETMAN
BILONG ISRAEL NA TOKIM OL
LONG OL LO BILONG GOD.


ORAIT,
MIPELA BAI I
BIHAINIM OL
DISPELA LO.

OL I
GUTPELA LO.

YUPELA OL HETMAN
I MAS KAMBEK LONG
MAUNTEN WANTAIM MI. GOD
BAI I BUNG WANTAIM YUPELA
OLSEM EM I BIN BUNG WANTAIM
MI. TASOL PASTAIM MI MAS
RAITIM OL DISPELA LO BILONG
BIKPELA LONG WANPELA BUK.

MOSES I RAITIM OLGETA
SAMTING OLSEM GOD I BIN
TOKTOK. SPIRIT BILONG
GOD I HELPIM EM NA EM
I NO MEKIM MISTEK.



A comic book illustration of Moses, with a long beard and wearing a yellow and black striped robe, standing on the left and reading a scroll. He is addressing a large crowd of people on the right, who are also wearing similar robes. The background shows a landscape with hills under a bright sky.

TAIM MOSES
I RATIM TOK
BILONG GOD
PINIS, EM I
SINGAUTIM
OLGETA MANMERI
I KAM NA EM I
RITIM TOK BILONG
GOD LONG OL.

OLGETA
SAMTING GOD I BIN
TOK EM I GUTPELA,
NA MIPELA BAI I
BIHAINIM.

LONG DISPELA TAIM, OL LAIN
BILONG ISRAEL I WOKIM
KONTRAK WANTAIM GOD.
GOD BAI I BLESIM OL, GIVIM
LAIP LONG OL, NA KISIM
BEK OL LONG HAN BILONG
OL BIRUA BILONG OL; NA OL
BAI I BIHAINIM OLGETA LO
BILONG EM NA WOKABAUT
LONG STRETPELA PASIN.

GOD I TOKIM MOSES LONG MEKIM
WANPELA OFA LONG BLUT NA TROMWE
LIKLIK BLUT ANTAP LONG OL MANMERI.



OLGETA BILONG
OL I STAP
SINMAN NA EM I
STRETPELA SAPOS
OLGETA I DAI
LONG BAIM SIN
BILONG OL YET
-- MOSES NA
ARON WANTAIM.
TASOL GOD I
GAT MARIMARI
NA EM I WOKIM
ROT BILONG
ABRUSIM DISPELA.




TAIM OL I KILIM DISPELA LIKLIK SIPSIP I NO GAT MAK LONG EN NA TROMWE BLUT BILONG EM ANTAP LONG OL MANMERI, GOD I KARAMAPIM SIN BILONG OL NA I NO KILIM OL. DISPELA SIPSIP I NO MEKIM WANPELA RONG LONG EM I MAS I DAI, TASOL EM I KISIM PLES BILONG OL DISPELA SINMANMERI.



GOD I KARAMAPIM OL SIN BILONG YUPELA PINIS OLSEM NA YUPELA 70-PELA HETMAN BAI I GO WANTAIM MI LONG MAUNTEN NA LUKIM GLORI BILONG GOD.

KISIM BEK 24:1-8



OL HETMAN BILONG ISRAEL
I BIHAINIM MOSES I GO
ANTAP LONG MAUNTEN
LONG PLES GOD I BIN
TOKTOK LONG MOSES.

OL I LUKIM SIA KING BILONG
GOD WANTAIM AI BILONG OL.



**EM
GLORI
BILONG
GOD!**



MOSES I GO KLOSTU
LONG DISPELA GLORI NA
OL I NO LUKIM EM MOA.

DISPELA
LAIT I
SAIN MOA
YET!

NA I PULAP
LONG GLORI.

I NO GAT
WANPELA MAN
OLSEM MOSES
HUSAT I SAVE
TOKTOK WANTAIM
GOD LONG PES
BILONG EM.

KISIM BEK
24:9-10

MOSES, YU
MAS GO PAS LONG OL
MANMERI LONG WOKIM
WANPELA HAUS SEL
LONG LOTU LONG MI.
DISPELA HAUS SEL BAI
I GAT WANPELA ALTA
BILONG WOKIM OL OFA NA
WANPELA HOLI PLES WE
HET PRIS I KEN GO INSAIT
LONG EN WANPELA TAIM
LONG WANWAN YIA.

MI BAI I TOKIM YU KLIA
LONG ROT BILONG WOKIM
DISPELA HAUS SEL. ARON
WANTAIM OL PIKININI MAN
BILONG EM, WANTAIM OL
TUMBUNA BILONG OL, BAI I
STAP OL HET PRIS. OL BAI I
SKULIM OL MANMERI LONG
STREPELA PASIN, NA OL
BAI I WOKIM OFA TAIM OL
MANMERI I MEKIM SIN.






MOSES I GO
ANTAP LONG DISPELA
MAUNTEN SAMPELA WIK I
GO PINIS NAU. TRUTRU
EM I DAI PINIS, YA.

YES.
YUMI NO KEN
SINDAUN NATING
LONG DISPELA
PLES DRAI.

YUMI I GAT NID
LONG WANPELA GOD
LONG GO PAS LONG
YUMI OLSEM MOSES
I BIN I GAT.

KAM, YUMI
WOKIM WANPELA
PIKSA LONG GOL NA
EM BAI I STAP GOD
BILONG YUMI.



MOSES I DAI
PINIS. ARON BAI
I WOKIM WANPELA
GOD LONG GOL LONG
KARIM YUMI I GO BEK
LONG ISIP.

GIVIM GOL
BILONG YUPELA
LONG MIPELA.


OL DISPELA LONGLONG
MANMERI I WOKIM WANPELA
PIKSA BILONG BULMAKAU
LONG GOL NA KOLIM EM
WANPELA GOD. BIPO LONG
SETEN I BIN MEKIM SIN, EM
I STAP WANPELA SERABIM
NA WANPELA PES BILONG
EM I PES BILONG BULMAKAU.
OL MANMERI I NO SAVE,
TASOL SETEN I BIN KIRAPIM
OL LONG LOTUIM EM
WANTAIM DISPELA STETIU.



ARON I HARIM OL MANMERI NA I HELPIM OL
LONG WOKIM DISPELA PIKSA GOD LONG GOL.


KISIM BEK 20:4, 25:8-9, 28:1-3, 32:1-4; EZEKIEL 1:10, 10:14, 28:14

ARON I NO YUSIM SAVE LIKLIK.
EM I SAVE OLSEM DISPELA PIKSA
I NO WANPELA GOD, TASOL EM
I PRET LONG OL MANMERI.



LUKIM, EM
GOD BILONG
YUPELA HUSAT I BIN
BRINGIM YUPELA AUT
LONG ISIP. TUMORA
BAI YUMI I WOKIM
BIKPELA OFA NA
LOTU LONG EN.

GOD I BIN GIVIM LO LONG OL
PINIS OLSEM OL I NO KEN WOKIM
WANPELA PIKSA LONG HELPIM OL
MEKIM LOTU, TASOL OL I WOK
LONG BIHAINIM OL TINGTING
BILONG BEL BILONG OL YET.



OL MANMERI I DANIS
NA RAUSIM OL KLOS
BILONG OL. OL I SPAK
NA WOKIM PASIN
PAMUK. GOD I REDI
LONG KILIM OLGETA
BILONG OL NA SALIM
OL LONG DISPELA PAIA
WE EM I BIN REDIM
LONG SETEN WANTAIM
OL ENSEL BILONG EM.

GOD I TOKIM MOSES OLSEM, "GO
DAUN NAU NA LUKIM OL DISPELA
MANMERI HUSAT I BIN MEKIM
BIKPELA SIN. OL I BIN KAMAP
SKIN NATING NA DANIS LONG
AI BILONG WANPELA STETIU.
EM BAI I GUTPELA SAPOS
MI PINISIM OL OLGETA. BEL
BILONG OL I STRONGPELA
TUMAS NA OL I NO LAIKIM
STRETPELA PASIN LIKLIK."




MOSES I BELHAT NOGUT TRU TAIM
EM I LUKIM OL DISPELA MANMERI
I GIVIM BAKSAIT LONG GOD NA
WOKIM WANPELA PIKSA GOD.

**YUPELA
I BIN BRUKIM
OL LO BILONG
GOD PINIS!**



MOSES I BRUKIM OL
DISPELA STON WE GOD
I BIN RAITIM OL LO
BILONG EM LONG EN.



GOD I BIN TOK
OLSEM YUPELA I NO KEN
I GAT OL ARAPELA GOD. GOD
BIKPELA TASOL EM I GOD TRU!
OLSEM WANEM BAI WANPELA
STETIU, WE YUPELA I BIN WOKIM
WANTAIM OL HAN BILONG YUPELA
YET, I KEN I STAP GOD BILONG
YUPELA NA YUPELA I TOK
OLSEM EM I BIN WOKIM
YUPELA, A?

MOSES I BRUKIM
DISPELA BULMAKAU
LONG OL LIKLIK HAP.




HUSAT I
STAP LONG SAIT BILONG
GOD BIKPELA I MAS I KAM
SANAP WANTAIM MI.

MIPELA
BAI I
BIHAINIM
GOD BILONG
EBRAHAM,
AISAK, NA
JEKOP.

MIPELA
TU I LAIK
BIHAINIM DISPELA
GOD HUSAT I BIN
BRUKIM RED SI,
MASKI SAPOS
MIPELA I NO GAT
WANPELA PIKSA
LONG LUKIM.



PE BILONG SIN EM
I DAI. GOD BIKPELA I TOK
OLSEM OL HUSAT I LOTU
LONG DISPELA GIAMAN GOD I
MAS I DAI. KISIM OL BAINET
BILONG YUPELA NA
KILIM OL.



OL PIKININI
BILONG LIVAI
I SANAP NA
KILIM 3,000
BILONG OL
DISPELA LAIN
HUSAT I MEKIM
PAMUK PASIN
LONG SAIT
BILONG SPIRIT
WANTAIM
DISPELA GOD
GIAMAN.


AAAAAK

**AIYO,
NOGAT!!!**


**MARIMARI,
PLIS!**

MOSES I GO
ANTAP LONG
MAUNTEN GEN,
NA RAITIM OL
LO BILONG GOD
LONG STON.
TAIM EM I KAM
BEK DAUN,
EM I SOIM OL
MANMERI OL
LO BILONG GOD
NA OL I TOK
OLSEM OL BAI
BIHAINIM OL.






GOD I TOK OLSEM
YUPELA I STAP OL
BIKHET LAIN WANTAIM
STRONGPELA HET. TAIM
YUPELA I BIN MEKIM DISPELA
BIKPELA SIN, GOD I TOK
OLSEM EM BAI I KILIM YUPELA
OLGETA, TASOL MI BIN MEKIM
BETEN LONG YUPELA NA
GOD BAI I LUSIM OL SIN
BILONG YUPELA. TRUTRU
GOD BIKPELA EM I GOD
BILONG MARIMARI.



GOD I BIN SOIM MI LONG ROT
BILONG WOKIM WANPELA HALS SEL BILONG
LOTU LONG EM. SAPOS YUMI I WOKIM STRET OLSEM
EM I BIN TOK, EM BAI I KAM NA BUNG WANTAIM YUMI
LONG DISPELA HAP. TRUTRU YUMI OL LAIN HUSAT I
PULAP WANTAIM SIN, TASOL GOD I BIN WOKIM
WANPELA ROT LONG YUMI I KEN KAM
KLOSTU LONG EM.

GOD I MAKIM OL LIVAI NAU LONG KISIM
PLES BILONG OLGETA FESTBORN PIKININI
MAN LONG ISRAEL NA OL BAI I WOKIM OL
OFA WANTAIM BLUT OLGETA WANWAN DE.
WANPELA TAIM LONG WANWAN YIA HET
PRIS BAI I PUTIM BLUT ANTAP LONG BOKIS
KONTRAK. TAIM GOD I LUKIM DISPELA BLUT
EM I BAI LUSIM OL SIN BILONG YUMI NA
YUMI I NO INAP I DAI.



LONG DISPELA TAIM OL I
WOKIM HAUS SEL BILONG
BIKPELA NA OL PRIS I STAT
LONG WOKIM OFA. TAIM
GOD I LUKIM BILIP BILONG
OL LAIN HUSAT I BRINGIM
OL OFA BILONG BLUT, EM
I LUSIM SIN BILONG OL.

TASOL OL MANMERI
I NO AMAMAS
LONG STAP LONG
PLES DRAI, OLSEM
NA OL I KOMPLEN
OLGETA TAIM.

LONG WANPELA DE OL I KOMPLEN TUMAS
NA GOD I SALIM BAGARAP LONG OL.

A comic book illustration of a camp at night. Two large snakes are coiled around the camp. One snake is on the left, and the other is on the right. In the center, there are several tents and people. A speech bubble is coming from the left snake. The background is dark with some light spots, possibly stars or distant lights.

**AIII!
LUKIM OL
SNEK!**

GOD I BIN SALIM OL SNEK NOGLUT LONG
KEM BILONG OL ISRAEL LONG KAIKAIM
OL. TRU GOD EM I GOD BILONG MARIMARI,
TASOL EM I NO INAP LARIM SIN I GO I GO.

KISIM BEK 34:28-32, 39:32; NAMBA 21:5-6




I NO LONGTAIM NA
KEM I PULAP WANTAIM
OL SNEK NOGLT.



**GOD,
HELP IM
MIPELA!**

OL I SNEK I PAINIM OL LONG NAIT.





HELPIM MI,
PLIS! SNEK I
BIN KAIKAIM
MI.



NOGAAAAT!


**JOAB,
LUKALT!**

MAMA!



OL PIKININI TU I WOK
LONG KISIM TAIM
LONG SIN BILONG OL
PAPAMAMA BILONG OL.

NUMBERS 21:6




OLGETA HAP BILONG KEM
I PULAP WANTAIM KRAI
BILONG OL MANMERI
HUSAT OL SNEK I BIN
KAIKAIM. PE BILONG SIN
EM I NOGUT OLGETA.

OL SNEK
I PULAP LONG
OLGETA HAP BILONG
KEM NA PLANTI
MANMERI I DAI
PINIS.


YUMI
MAS GO PAINIM
MOSES. TRUTRU
GOD I BELHAT LONG
YUMI LONG OL SIN
BILONG YUMI.

ACK!



YU MAS
I GO TOKTOK
LONG GOD. TRUTRU
MIPELA I WOK LONG
KISIM STREPELA PE
LONG OL SIN BILONG
MIPELA, TASOL PLIS,
ASKIM GOD LONG
SOIM MARIMARI.

WANEM TAIM
BAI OL MANMERI I
KISIM SAVE OLSEM
GOD I NO LAIKIM
SIN LIKLIK? OL I
MAS BIHAINIM TOK
BILONG EM TASOL
NA STAP HOLI.



O GOD, PLIS,
MARIMARI LONG
OL LAIN BILONG
YU NA LUSIM SIN
BILONG OL.

GO NA
WOKIM WANPELA SNEK
LONG BRAS WANKAIN
LONG OL DISPELA SNEK
WE I WOK LONG KAIKAIM
OL MANMERI. SANAPIM EM
LONG WANPELA STIK INAP
LONG OLGETA MANMERI I KEN
LUKIM. TOKIM OL LONG
LUKLUK LONG DISPELA
SNEK BRAS NA WANTU OL
BAI I KAMAP ORAIT
GEN.

GOD I BIN WOKIM
ROT LONG ORAITIM
YUPELA. LUKLUK
LONG SNEK BRAS NA
YUPELA BAI I KAMAP
ORAIT GEN.





EM BAI I
DAI YA.

NOGAT!
GOD I BIN
WOKIM WANPELA
ROT PINIS. OPIM
AI BILONG YU NA
LUKLUK TASOL. YU
BAI I GAT LAIP!



**EM WANPELA
MIRAKEL YA!**

**YUMI I
MAS GO NA
TOKIM OL
ARAPELA!**

**YES, EM I BIN
ORAITIM MI! MI BAI GO
NA TOKIM OL LAIN
BILONG YUMI.**



**LUKLUK
NA KISIM
LAIP!**

NAMBA 21:9



BILONG WANEM
YU LAIK GIAMANIM
EM, A?

OL ARAPELA I
BIN LUKLUK NA OL
I KISIM LAIP.

LUKIM, MI WOK
LONG I DAI YA. NO
KEN KAM NA DISTEPIM MI
WANTAIM OL LONGLONG
TOKTOK.



AIYU,
EM I DAI
PINIS.


MI SORI
TRU EM I LES
LONG BILIP.

YES, EM I BIN
TING OLSEM EM
I GAT BIKPELA
SAVE.

OL MANMERE BILONG ISRAEL
I LUKIM STRONG BILONG
GOD GEN. OL I LUSIM
DISPELA KEM OL SNEK I
STAP LONG EN NA OLGETA
SAMTING I ORAIT GEN.




TASOL I NO
LONGTAIM NA OL
MANMERE I STAT
LONG BIHAINIM
LAIK BILONG OL
YET GEN NA PLANTI
TAIM OL I SAKIM OL
LO BILONG GOD.



OL PIKININI BILONG
ISRAEL I BIHAINIM KLAUT.
GOD I SALIM MANA LONG
HEVEN LONG GIVIM KAIKAI
LONG OL NA I GIVIM WARA
LONG OL LONG DRING.

GOD I LAIK BRINGIM OL I GO INSAIT
LONG DISPELA HAP GRAUN WE EM I
BIN PROMISIM OL. TASOL OL I SAKIM
TOK BILONG EM NA PRET LONG GO
INSAIT, OLSEM NA GOD I LARIM OL I
RAUN LONG PLES NATING 40-PELA YIA.

NAMBA 21:9, 32:13




MOSES, YU TING OLSEM GOD I SAVE HARIM TOK BILONG YU
TASOL, A? OLGETA LAIN BILONG ISRAEL I STAP HOLI, I NO
YU NA ARON TASOL, NA GOD I STAP WANTAIM MIPELA TU.
MIPELA I NO GAT NID LONG YU NA ARON I BOSIM MIPELA.
YUPELA I SAVE JASIM MIPELA TUMAS. MIPELA INAP
JASIM OL SAMTING TU.

YES, MI LES
PINIS LONG YUMI RAUN
RAUN NATING LONG DISPELA
PLES DRAI. OLGETA TAIM GOD
I WOK LONG KILIM MIPELA
LONG OL LIKLIK MISTEK.

EM ASUA BILONG
MOSES. EM I TING
OLSEM YUMI I MAS I
STAP STRET OLGETA.

MOSES I PUNDAUN
LONG PES BILONG EM
NA ASKIM GOD LONG
WANEM SAMTING
EM I MAS MEKIM.





GOD I TOK OLSEM TUMORA EM BAI I SOIM KLIA
WANEM LAIN EM I BIN MAKIM LONG KAM KLOSTU
LONG EM. BAI YUPELA I KISIM PAIA BILONG
WOKIM OFA BILONG SMOK SMEL NA GOD
BAI I SOIM KLIA HUSAT I HOLI.

KORA, YUPELA I STAP OL PIKININI
BILONG LIVAI, NA OLSEM WANEM? GOD I BIN
GIVIM WOK LONG YUPELA LONG LUKAUTIM HAUS SEL
BILONG EM, NA YUPELA I LAIK STAP HET PRIS TU, A?
EM DISPELA AS TASOL YUPELA I WOK LONG KOMPLEN.

NAMBA
16:2-6



TUMORA.

YUPELA KAM
KLOSTU. KISIM PLET, PAIA,
NA PAWDA BILONG MEKIM
SMOK SMEL NA WOKIM OFA
LONG GOD.

ARON, YU TU KISIM
OL DISPELA SAMTING NA
WOKIM OFA NA GOD BAI I
SOIM KLIA HUSAT I STAP
HET PRIS BILONG EM.



**MOSES,
ARON, LUSIM OL
DISPELA BIKHET LAIN.
MI REDI LONG KILIM
OL NAU.**



**GO LONGWE
LONG OL HAUS
SEL BILONG OL
NA NO KEN HOLIM
WANPELA SAMTING
BILONG OL, NOGUT
YU DAI TŪ.**



EM WANPELA MAK NAI.
BAI YUPELA I SAVE TRU SAPOS
GOD I BIN SALIM MI O NOGAT.
SAPOS OL DISPELA MAN I DAI
OLSEM OL ARAPELA MAN I SAVE
DAI, ORAIT, MI MAN BILONG
GIAMAN.



TASOL, SAPOS
YUPELA I LUKIM
WANPELA NUPELA
SAMTING TUDE NA GRAUN
I OPIM MAUS BILONG EM NA
DAUNIM OL DISPELA LAIN,
ORAIT, YUPELA I KEN SAVE
TRU OLSEM OL DISPELA LAIN
I BIN MEKIM SIN LONG AI
BILONG GOD NA MI BIN TOK
TRU.



**HELPIM
MI!**


AIIIIIIII!

NOOOGAT!

NAMBA 16:28-35



GRAUN I OPIM MAUS BILONG
EM NA DALNIM KORA WANTAIM
OL MAN HUSAT I GO PAS LONG
DISPELA SAMTING. PAIA BILONG
GOD I KAM DALN TU NA KUKIM
DISPELA 250-PELA MAN HUSAT I
WOKIM OFA LONG SMOK SMEL.



BUNGIM
OL DISPELA
PLET BILONG OL.
YUMI BAI MEMEIM
OL NA KARAMAPIM
SAIT BILONG ALTA
WANTAIM OL.

TAIM YUPELA LUKIM OL
DISPELA HAP PLET I KARAMAPIM SAIT
BILONG ALTA, YUPELA BAI I HOLIM
TINGTING LONG DISPELA DE WE OL
MAN I SAKIM TOK BILONG GOD NA OL I
TRAIM MEKIM OL YET I KAMAP PRIS.


TRU, OL LAIN
BILONG ISRAEL
I NO LUSIM
TINGTING LONG
DISPELA DE.
GOD I SOIM
KLIA OLSEM
MOSES I
STAP PROFET
BILONG EM,
NA GOD TASOL
INAP MAKIM
HUSAT BAI I
STAP PRIS.




GLORI BILONG
GOD I STAP
WANTAIM YUMI
NA EM I SAVE
GIVIM YUMI BRET
LONG HEVEN.

GLORI BILONG GOD I STAP ANTAP LONG HAUS
SEL BILONG EM NA OL LAIN I BIHAINIM MOSES
NA RAUN RAUN LONG PLES I NO GAT MAN.

YES, GOD I SALIM BRET I KAM
DAUN LONG HEVEN LONG
OL, NA I GIVIM WARA LONG
OL TU. PAIA I SAVE GO PAS
LONG OL LONG NAIT, NA
KLAUT LONG DE. OL I WOK
LONG KISIM SAVE LONG
BIHAINIM OL LO BILONG GOD.



OL PRIS I MEKIM WOK
BILONG HAUS SEL NA
WOKIM OFA OLGETA DE
OLSEM MOSES I BIN TOK.



BIHAIN LONG OL I RAUN 40-
PELA YIA LONG PLES DRAI, OL
LAIN ISRAEL I REDI LONG GO
INSAIT LONG PLES GOD I BIN
PROMISIM OL LONG EN. TASOL
PASTAIM, GOD I SINGAITIM
MOSES I GO ANTAP LONG
MAUNTEN. GOD I SOIM EM PLES
KENAN NA BIHAIN MOSES I DAI.



WANTU SPIRIT BILONG EM I
STAP WANTAIM GOD. BODI
BILONG EM I STAP ANTAP
LONG MAUNTEN NA I NOGAT
WANPELA MAN I SAVE LONG
MATMAT BILONG EM.

KLOSTU 1451-PELA YIA BIPO LONG
MARIA I KARIM JISAS - LO 34:4-5


KLOSTU 500-PELA YIA I KAM
I GO PINIS LONG TAIM GOD
BIKPELA I BIN SINGAUTIM
EBRAHAM LONG LUSIM OL LAIN
BILONG EM NA GO LONG DISPELA
HAP GOD BAI I GIVIM EM.




GOD I BIN INAPIM DISPELA
PROMIS EM I BIN MEKIM LONG
EBRAHAM NA SARA. OL TUMBUNA
BILONG PIKININI BILONG OL,
AISAK, I KAMAP WANPELA
BIKPELA LAIN MANMERI PINIS.
TWELV-PELA PIKININI MAN
BILONG JEKOP I BIN KAMAP 12-
PELA KLEN BILONG ISRAEL.



GOD I BIN KISIM BEK OL
LONG ISIP, OL I RAUN
LONG PLES DRAI WANTAIM
MOSES NA KISIM LO
BILONG GOD, NA NAU OL I
GO INSAIT LONG DISPELA
HAP GRAUN GOD I BIN
PROMISIM OL LONG EN.
TAIM OL I BIN RAUN LONG
PLES NATING, WANPELA
YANGPELA MAN I BIN STAP
KLOSTU LONG MOSES
NA HELPIM EM. EM I
WOK LONG KISIM SKUL
LONG ROT BILONG GO
PAS LONG OL ISRAEL.






DISPELA YANGPELA
MAN, JOSHUA, I
KAMAP WANPELA
STRONGPELA MAN
BILONG PAIT.

TAIM MOSES I DAI PINIS, GOD
I MAKIM JOSHUA LONG GO PAS
LONG OL ISRAEL NA BRINGIM
OL I GO INSAIT LONG KENAN.



OL ISRAEL I HOLIM TINGTING LONG DISPELA
TOK PROFET WE I TOK OLSEM OL BAI I STAP
AUTSAIT LAIN LONG WANPELA LONGWE
PLES LONG 400-PELA YIA, BIHAIN, GOD
BAI I KISIM BEK OL NA BRINGIM OL I KAM
BEK LONG GRAUN EM I BIN PROMISIM LONG
OL TUMBUNA PAPA BILONG OL. NAU, GOD
EM I INAPIM PROMIS BILONG EM PINIS.



LONG DISPELA
DE OL I BRUKIM
WARA JODAN,
MANA I NO KAM
DAUN LONG
HEVEN MOA NA
OL I KAIKAI LONG
KAIKAI BILONG
DISPELA PLES.

DISPELA EM I
WANPELA NAISPELA
PLES TRU GOD I BIN
GIVIM LONG YUMI.

LO 34:9,
JOSHUA 5:12

YES, EM I GUTPELA PLES
LONG SINDAUN NA LUKAUTIM
FAMILI BILONG YUMI. YUMI MAS
SKULIM OL PIKININI BILONG YUMI
LONG WOKABAUT STRET NA
BIHAINIM PASIN I HOLI.



<https://goodandevilbook.com/>